

# Q V Æ S T I O M E D I C A

## CARDINALITIIS DISPV TATIONIBVS MANE DISCV TIENDA

### IN SCHOLIS MEDICORVM DIE IOVIS VIII. MARTII.

### M. PETRO LEGIER, Doctore Medico, Præside.

*An Hydropota minus Morbis obnoxij?*

**C**ORPORIS humani temperies multiplex habetur, pro ætate, vivendi modo, regione, & primâ in utero conformatione. In puero blandior, annis prolagentibus sensim immutatur: In belluone quantumvis bona, sic deterior, Indorum aut Vrse accolarum plerumque calidior & frigidior. Et ubi Naturâ architectante corpus, nobiliori parti labes est impressa, ad ultimum vitæ exitum perseverat temperiei vitium. Optima censetur quæ æqualiter ab extremis distat. Verum optatur tantum, non obtinetur, vel si quandoque adfulgeat, effluit fulguris instar. Ab hac felicior quæ sibi sufficit, totamque vitam suis beat commodis, quæ Naturam nullo aut minimo excrementorum proventu infestat, & se sola ab occurrentibus expedit. Sed quantumlibet salutaris illa sit, brevi à suâ integritate decider, petitis à triplici Elemento cibis, & omni liquorum arte expressorum genere, qui aliam sapius non sine periculo invehunt, ut manet incorrupta cum frugalitate, & maxime aquæ potu, qui bonæ temperiei optimus est conservator.

**L**IQVORES qui ad restinguendam sitim naturali necessitate assumuntur, quia mobiliore citius expanduntur, & si quod contraxere vitium, celerius ad partes transmittunt, ut & earum offensiones felici mixtione minuunt, cum quas Natura optat facultates, possident & exercent. Vt partes Naturâ instituto respondeant, aliquo humore debent madere, cujus beneficio nutrantur, augeantur, & quam edere natæ quæ alluit membra, & primo humori consocialis, jucundius permeat, facilisq; inhærescit, quod Naturæ votorum est summa. Quamobrem cautione non minus necessariâ quàm salutari eligendus est potus, qui suâ familiaritate hæc præstet bona. Ex liquoribus qui apud homines in usu sunt ad sitim, unicuique Natura præbet & suadet; alij bene multi in utroque mundo famosi arti suam debent originem. Scilicet homines Naturam paucis contentam quasi pauperrimam dedignati, voluptate premente, palato aquam salidientem, per machinas quasierunt, quod sibi deesse volebant.

**H**YDROPOTE ut primò institutam à Naturâ legem diligentius sequuntur, sic beatiorum & primi sæculi hominibus dignam omnino protrahunt vitam. Cibus temperatus, potus ad frigiditatem inclinans esse debet, ut constituta temperies semper floreat. Enimverò etsi animalium corpora igne foveantur & vigeant, nec nisi in extremâ senectute frigiditate contabescant: attamen non tam arctè in primâ conformatione ignis aquâ contemperatus est, quin ille sapius superior, quasi effracto carcere, compactas carnes deureret, nisi aquâ velut compede retineretur. Vnde Natura quæ eò certior, quò magis necessariò agit, nullibi non humiditatem inferuit, & circumfudit, sacri ignis, ut olim Vestiarum erat munus, custodem futuram. Hæc quia semper consumitur, semper reparari amat: & contentientibus partibus, supremum ventriculi os, & fauces peculiari sensu, & sicci & humidi renovationis argumenta dant manifesta. Vniuseque assumendi leges ex Naturâ habeantur. Nullus in dietâ error, nulla ad morbos occasio, nec temperies ullo vitio inficitur, quod in parentem redundet, quippe quod hæc vitæ dux optima.

**V**BI humidi appetitus, an quicquam aptius præter aquam propinabis? Vis sanus esse, & tutam ab omnibus morborum insultibus vitam degere; ab igneis liquoribus abstinere, aqua tibi sit in deliciis. Suavius quidem illi linguam & palatum commovent, sed citò hanc voluptatem quamplurimis compensant malis, pulsu elatiore febris maxime consocialis, membrorum lassitudine, affluxu ad cavitatum alteram, gravissimi affectus causâ, κατὰ φύσιν modò antè, modò retrò; pleniori capite, nutantibus artubus. Aqua verò intus non in ore sua dona dispensat, cum sitientibus visceribus liberaliter adfusa, mirum quantam concitat voluptatem, quantum robur & tonum suâ frigiditate & humiditate toti conferat corpori, sine ullâ mali eventus expectatione. Namque cum omnes ferè morbi à caloris exuperantiâ promanent, repagulis eget ille, non incentivo, frænâ coerceri, non flammæ potibus fuscitari. Hos remediorum catalogo adscribere quid vetaret numquid vinum ὕδρῳ σαπῶν, ubi fracto & debilitato corde, ubi exhaustis spiritibus, de ultimâ compagis sorte agitur, præstantis cardiaci nomen sibi vendicaret, nisi summâ hominum intemperantiâ id nominis jamdudum amisisset? At vinum petitis? Sequanam habetis.

**N**EC proinde abs re aqua fospitalis nomine venit donandâ, cum minacem calorem ita contemperet, ut mutata vice quod erupturum erat in Naturam, illius leges denuò sequatur. Gratioli humoris fons, & ventriculus hocce amico rore perflui, sua generositas obeunt munia, nullo nidore palatum feriente, aut tuberculis faciem deturpantibus. Intestina tam jucundâ fruuntur levitate, nihil ut extraneum continent. per vias sibi debitas excernitur. Humores crassiores diluuntur, densiores attenuantur, subtiliores condensantur, omnes propriis vasibus continentur, nec in alicujus partis perniciem frigida eos effundi patitur, quippe iis coagulatum. Hinc firmior gressus, artus integri, benignior somnus, suavior anima, Floridus faciei color, primum sanitatis argumentum; nec ullum inter partes divorcium, ideò articuli qui maxime humorum decubitu affliguntur fospites: nec pisces arthritide tentatos, vel in fabulis agnovit antiquitas: carere corporis functiones illas, vegetiores, dulci aquæ affusione in dies evadunt; φροντισμὸς actiones lucidiores, nullâ fuligine obscurantur aut perturbantur. Vno verbo, optimam quam Natura concessit temperiem, sanctam tectamque propugnat ὕδρῳ σαπῶν.

*Ergo Hydropota minus Morbis obnoxij.*

Asserebat Parisiis RAYMUNDVS VASLET, Engolismas, A. R. S. H. M. DC. LXVIII.